



BOSNA I HERCEGOVINA
PARLAMENTARNA SKUPŠTINA
ZASTUPNIČKI DOM
Komisija za vanjske poslove
Broj: 01,2-011-786-05/02
Sarajevo, 16.07.2002.godine

Primljeno	16. 7. 02. g.	Sjednost
Org. jed.	01/2 - 011 - 786 - 05 / 02 -	

ZAPISNIK

Sa dvadesetdruge sjednice Komisije za vanjske poslove

Sjednica je održana 15.07.2002.godine sa početkom u 14 sati.

Sjednici su prisustvovali sljedeći njeni članovi: Marko Amidžić, Muhamed Begović, Željko Bilbija, Sead Buturović, Boro Bjelobrk i Momir Tošić.

Opravdano odsutni su bili: Salih Kulenović i Branislav Lolić.

Razlog izostanka Mariofila Ljubića je nepoznat.

Sjednicom je predsjedavao Marko Amidžić, a zapisnik vodila sekretar Merdžana Iglica. Sjednici su prisustvovali i gosti: dr Azra Hadžiahmetović, ministrica vanjske trgovine i ekonomskih odnosa Bosne i Hercegovine te savjetnica u njenom kabinetu Edina Topčagić, kao i Amela Alihodžić, pomoćnica ministra za evropske integracije Bosne i Hercegovine.

Sjednicu je pratila i Dragica Hinić, stručni saradnik iz informaciono-dokumentacione službe.

Predsjedatelj Komisije za vanjske poslove predložio je sljedeći

DNEVNI RED

1. Verificiranje zapisnika sa 21. sjednice Komisije za vanjske poslove Zastupničkog doma Parlamentarne skupštine Bosne i Hercegovine, održane 15.07.2002.godine;
2. Razmatranje Prijedloga Operativnog plana ispunjavanja obaveza povodom prijema Bosne i Hercegovine u Vijeće Evrope (predlagač Dom naroda) – (16. tačka Dnevnog reda 29. sjednice Zastupničkog doma Parlamentarne skupštine Bosne i Hercegovine, zakazane za utorak, 16. jula 2002. godine);
3. Davanje mišljenja o saglasnosti za ratificiranje (20. tačka Dnevnog reda 29. sjednice Zastupničkog doma Parlamentarne skupštine Bosne i Hercegovine, zakazane za utorak, 16. jula 2002. godine):
 - Ugovora o tekstilnim proizvodima između Evropske zajednice i Bosne i Hercegovine;

4. Davanje mišljenja o saglasnosti za ratificiranje (20. tačka Dnevnog reda 29. sjednice Zastupničkog doma Parlamentarne skupštine Bosne i Hercegovine, zakazane za utorak, 16. jula 2002. godine):
 - Sporazuma o razvojnom kreditu (Kredit za prilagođavanje poslovnog ambijenta) između Bosne i Hercegovine i Međunarodne asocijacije za razvoj;
5. Razmatranje izvještaja sačinjenog tokom posjete parlamentarne delegacije Bosne i Hercegovine Državnom Zboru Slovenije u organizaciji Misije OSCE-a u Bosni i Hercegovini i NATO Programa za sigurnosnu suradnju sa Bosnom i Hercegovinom (Izvještaj sačinila Merdžana Iglica);
6. Upoznavanje Komisije sa Zajedničkom izjavom Predsjedavajućih delegacija po zaključenju Četvrtog međuparlamentarnog sastanka između Parlamentarne skupštine Bosne i Hercegovine i delegacije Evropskog parlamenta;
7. Upoznavanje Komisije sa Izvještajem sa sastanka održanog sa ambasadorom S.A.D. za politička pitanja pri Ujedinjenim narodima, njegovom ekselencijom Richardom S. Williamsom (Izvještaj sačinio Muhamed Begović);
8. Tekuća pitanja.

Dnevni red je jednoglasno prihvaćen.

Ad.1. Komisija je razmatrala zapisnik sa 21. sjednice Komisije za vanjske poslove Zastupničkog doma Parlamentarne skupštine BiH i jednoglasno ga prihvatila;

Ad.2. Komisija je razmotrila Prijedlog Operativnog plana ispunjavanja obaveza povodom prijema Bosne i Hercegovine u Vijeće Evrope i s tim u vezi saslušala pojašnjenja koja je dobila od Amele Alihodžić, pomoćnice ministra za evropske integracije Bosne i Hercegovine. Komisija je zaključila da je Prijedlog dokumenta previše uopćen i da sadrži rokove izvršenja koji nisu operativni, pa stoga smatra da Vijeće ministara treba uraditi jedan operativni dokument sa konkretiziranim rokovima i jasno utvrđenim nosiocima posla pri čemu se insistira na ukidanju svih mjera trajnog karaktera kao i na većoj uključenosti izvršne vlasti u ove zadatke, kako se zadati rokovi ne bi ostavljali za postizborni period;

Ad.3. i Ad.4. Nakon iscrpnih pojašnjenja koja je dala dr Azra Hadžiahmetović, ministrica vanjske trgovine i ekonomskih odnosa Bosne i Hercegovine vezano za dokumente na dnevnom redu, Komisija je dala svoje mišljenje da Zastupnički dom Parlamentarne skupštine Bosne i Hercegovine na svojoj sjednici, koja će se održati 16.07.2002.godine ratificira oba dokumenta sa prijedlogom zaključka da se do kraja godine sačini izvještaj o osposobljenosti nadležnih institucija Bosne i Hercegovine da efikasno izvršavaju obaveze u izdavanju licenci kada je u pitanju trgovina tekstilnim proizvodima između Evropske zajednice i Bosne i Hercegovine;

Ad.5. Komisija je razmatrala izvještaj o posjeti parlamentarne delegacije Bosne i Hercegovine Državnom Zboru Slovenije u organizaciji Misije OSCE-a u Bosni i Hercegovini i NATO Programa za sigurnosnu suradnju sa Bosnom i Hercegovinom. Delegaciju Parlamentarne skupštine Bosne i Hercegovine su u ovoj posjeti od 01. do 04.

07.2002.godine iz Zastupničkog doma sačinjavali: Marko Amidžić, Franjo Majdandžić, Željko Bilbija i sekretar Merdžana Iglica.

Komisija je jednoglasno prihvatila Izvještaj i istakla da je on dobar primjer kvalitetnog sačinjavanja Izvještaja te da bi ovakvi Izvještaji trebali biti modelom kako se sumiraju rezultati određenih posjeta u okviru Parlamentarne skupštine Bosne i Hercegovine;

Ad.6. Komisija je razmatrala Zajedničku izjavu Predsjedavajućih delegacija po zaključenju Četvrtog međuparlamentarnog sastanka između Parlamentarne skupštine Bosne i Hercegovine i delegacije Evropskog parlamenta i jednoglasno je prihvatila;

Ad.7. Komisija se upoznala sa Izvještajem sa sastanka održanog sa ambasadorom S.A.D. za politička pitanja pri Ujedinjenim narodima, njegovom ekselencijom Richardom S. Williamsom, održanog 24. juna 2002. godine i prihvatila ga uz sugestiju da je Izvještaj mogao biti malo širi i sadržajniji te da se Izvještaji nastoje ubuduće sačinjavati sa što više korisnih informacija.

Ad.8. Pod tekućim pitanjima usvojena je sugestija Bore Bjelobrka da se Vijeće ministara Bosne i Hercegovine obavijesti o broju održanih sjednica Komisije za vanjske poslove Zastupničkog doma Parlamentarne skupštine Bosne i Hercegovine u ovoj godini, te o ukupnom broju sporazuma, ugovora i drugih akata za ratificiranje koji su bili na dnevnom redu tih sjednica, pa potom skidani sa dnevnog reda zbog neprisustva nadležnih resornih ministara ili njihovih zamjenika. Jednoglasan je zaključak da se Vijeće ministara obavijesti da će se sa ovom praksom na sjednicama Komisije i dalje nastaviti ukoliko ne budu prisutni nadležni ministri ili njihovi zamjenici.

Sjednica je završena u 16 sati.

PREDSJEDATELJ
KOMISIJE ZA VANJSKE POSLOVE
Marko I. Amidžić, dipl.ing.

